

UGOVOR
o pružanju usluge – izvođenje Recertifikacijskog audita sistema upravljanja kvalitetom BAS
EN ISO 9001 u certificiranim organima uprave i službama Kantona Sarajevo
Broj: 20-14-14201-06/18

Zaključen u Sarajevu 05.04.2018. godine, između:

1. **Ured za borbu protiv korupcije i upravljanje kvalitetom Kantona Sarajevo, Reisa Džemaludina Čauševića broj: 1**, koji zastupa Šef Ureda Erduan Kafedžić, kao Naručilac usluga, (u daljem tekstu: Naručilac usluga) i
2. **TUVADRIA d.o.o., Muhameda ef. Pandže b.b.**, koga zastupa direktor Muamer Peljto, kao Izvršilac usluga, (u daljem tekstu: Izvršilac usluga)

Član 1.

Predmet ovog ugovora je pružanje usluge izvođenja Recertifikacijskog audita sistema upravljanja kvalitetom BAS EN ISO 9001 u certificiranim organima uprave i službama Kantona Sarajevo, prema uslovima i odredbama ovog Ugovora i na osnovu prihvaćene ponude Izvršioca, zaprimljene pod brojem: 20-14-15542 od 26.03.2018. godine, koja je sastavni dio ovog ugovora. Ugovor se zaključuje na osnovu Odluke o izboru najpovoljnijeg ponuđača putem direktnog sporazuma, broj: 20-14-14201-04/18 od 27.03.2018. godine, za ponuđača TUVADRIA d.o.o. Sarajevo za „Pružanje usluga izvođenje Recertifikacijskog audita sistema upravljanja kvalitetom BAS EN ISO 9001 u certificiranim organima uprave i službama Kantona Sarajevo“.

Član 2.

Usluge iz člana 1. ovog ugovora obuhvataju slijedeće aktivnosti:

- Izvođenja Recertifikacijskog audita sistema upravljanja kvalitetom BAS EN ISO 9001 u certificiranim organima uprave i službama Kantona Sarajevo sa ukupno 860 zaposlenika, sa sljedećim organima uprave i stručnim službama:
 - Kabinet predsjedavajućeg i zamjenika predsjedavajućeg Skupštine KS sa 7 zaposlenika,
 - Kabinet premijera sa 5 zaposlenika,
 - Ministarstvo pravde i uprave sa 14 zaposlenika,
 - Ministarstvo saobraćaja sa 32 zaposlenika,
 - Ministarstvo prostornog uređenja, građenja i zaštite okoliša sa 76 zaposlenika,
 - Ministarstvo za boračka pitanja sa 16 zaposlenika,
 - Ministarstvo privrede sa 91 zaposlenika,
 - Ministarstvo finansija sa 43 zaposlenika,
 - Ured za zakonodavstvo sa 3 zaposlenika
 - Ministarstvo zdravstva sa 18 zaposlenika,
 - Ministarstvo za obrazovanje, nauku i mlade sa 38 zaposlenika,
 - Ministarstvo kulture i sporta sa 11 zaposlenika,
 - Ministarstvo za rad, socijalnu politiku, raseljena lica i izbjeglice sa 29 zaposlenika,
 - Služba za skupštinske poslove sa 30 zaposlenika,
 - Stručna služba Vlade sa 10 zaposlenika,
 - Stručna služba za zajedničke poslove sa 81 zaposlenika,
 - Služba za protokol sa 2 zaposlenika,
 - Ured za borbu protiv korupcije i upravljanje kvalitetom sa 3 zaposlenika,
 - Press-služba sa 5 zaposlenika,
 - Ministarstvo komunalne privrede i infrastrukture sa 17 zaposlenika,

- Ministarstvo unutrašnjih poslova – Kabinet ministra; Uprava administracije i Uprava podrške sa 329 zaposlenika.

za područje primjene:
vršenja usluga iz nadležnosti organa uprave i stručnih službi u Kantonu Sarajevo
(EA branša 36/1)
Isključenja: 8.3

Član 3.

Usluge iz člana 2 ovog ugovora Izvršilac usluga će obavljati kvalitetno i stručno, na čemu će biti angažiran dovoljan broj stručnih lica.

Član 4.

Naručilac usluga se obavezuje da Izvršiocu usluge stavi na raspolaganje svu potrebnu dokumentaciju kao i informacije stručnog osoblja potrebne za uspješno obavljanje usluga iz člana 2. ovog ugovora.

Član 5.

Rok za obavljanje svih ugovorenih aktivnosti iznosi 90 (devedeset) dana od dana zaključivanja ovog ugovora.

Član 6.

Cijena ugovorenih usluga iz člana 2. ovog ugovora, na bazi jedinične cijene date u priloženom Obrascu za cijenu ponude – usluge Izvršioca bez uključenog PDV-a iznosi 5.850 KM (slovima: pethiljadaosamstopedeset KM). PDV po stopi od 17% iznosi 994,50 KM (slovima: devetsto-devedesetčetiri KM i 50/100 KM).

Ukupna vrijednost ugovora iznosi: **6.844,50 KM sa PDV-om** (slovima: šestiljadaosamsto-četredesetčetiri KM i 50/100 KM).

Sastavni dio ovog Ugovora je ponuda zaprimljena pod brojem: 20-14-15542 od 26.03.2018. godine.

Član 7.

Naručilac usluga je obavezan da ugovoreni iznos iz člana 6. ovog ugovora isplati na transakcioni račun Izvršioca usluga kod Raiffeisen Bank dd Sarajevo, broj: 1610 0000 5853 0005, u roku od 60 (šezdeset) dana nakon provođenja Recertifikacijskog audita, na osnovu ispostavljenog računa od strane TUVADRIA d.o.o., Sarajevo.

Član 8.

Na odnose između ugovorenih strana koji nisu određeni ovim ugovorom primjenjuju se odredbe Zakona o obligacionim odnosima.

Član 9.

Sve eventualne dopune ili izmjene ovog ugovora moguće su sačinjavanjem Anex-a ugovora.

Član 10.

Ugovorne strane su saglasne da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

Član 11.

Svaka od ugovornih strana može jednostrano raskinuti ovaj ugovor dostavljanjem pismene obavijesti drugoj strani sa otkaznim rokom od 15 (petnaest) dana koji se računa od prijema obavijesti.

Član 12.

Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

IZVRŠILAC USLUGA:
TUVADRIA d.o.o. Sarajevo



Datum: 05.04.2018. godine

NARUČILAC USLUGA:
**Ured za borbu protiv korupcije i
upravljanje kvalitetom Kantona Sarajevo**

